



२५७० बवःगु बुद्ध जयन्ती लिसें स्वांयाः पुन्हीया लसताय भित्तुना  
साःगु भिंगु मरिचरिया निति लुमका दिसें !  
लक्ष्मण गामाल 'विलिगि' प्रोप्राइटर  
**लाखा छँ**  
**LAKHA CHHEN**  
सोह्रखुटे, वडा नं. १६, येँ, फोन नं.: ४९६०७५८

# सुरेश किरण आधुनिक धर्मादित्य खः नेपालभासं च्वयाः छु जुइ धाइपित लिसः खः सुरेश किरण

लहना वाःपौ/ भाषा आयोगया दुजः, नेवाः पत्रकार राष्ट्रिय दबूया सल्लाहाकार लिसे नेपालभाषा टाइम्स'या पुलांम्ह सम्पादक सुरेश किरण मानन्धरया स्मृति ग्रन्थ वयकःया लत्याः कुन्हु छू ज्याइवः यानाः पिथनेगु ज्या जुगु दु ।

नेवाः पत्रकार राष्ट्रिय दबूया खसालय व येँ महानगरपालिका व नेपाल प्रज्ञा प्रतिष्ठानया सहकार्यय उगु स्मृतिग्रन्थ पिथंगु खः ।

स्मृति ग्रन्थ मंकाः कथं भिक्षु कौडिण्य, नेपालभाषा एकेदेमीया भ्वाइस चान्सलर डा. पुष्पराज राजकर्णिकार, नेवाः देय् दबूया अध्यक्ष रश्मिला प्रजापति, नेपाल आदिवासी जनजाति पत्रकार महासंघ (फोनिज) या अध्यक्ष लक्की चौधरी, प्रेस काउन्सिल नेपालया प्रमुख अधिकृत भक्तिन्द्र भुसाल, दबूया अध्यक्ष नृपेन्द्रलाल श्रेष्ठ, पुलांमि अध्यक्ष श्रीकृष्ण महर्जन व सरजवीर वज्राचार्यपिसं मंकाः कथं पितव्वज्या यानादीगु खः ।

ज्याइवल्य लसकुस यायेगु इवल्य दबूया न्वकू सुरेन्द्रभक्त श्रेष्ठ



सुरेश किरणया कारणं आपालं नेवाः पत्रकारत उत्पादन जुगु खँ न्ह्यथनादिसें नेपालभाषा पत्रिका पिथनाः छु दइ धइगु न्ह्यसः थनेगु यानाच्चंगु खःसा शैया अवस्था नेपालभाषा पत्रकारिता यानाः हे थम्हं छँ चले यानाच्चनागु खँ धयादिल ।

उकथं हे वयकलं मद्रुम सुरेश किरण छम्ह कल्पवृक्ष खः धयादिसें सुनां नं ह्युं खँ न्यन धाःसा उकियात ध्वाथुइक लिसः बीगु ज्याय न्ह्याबलें न्ह्यःने लाम्हा व्यक्त खः धयादिल । वयकलं मद्रुम सुरेश किरण लिसे

खँल्हाबल्हाया इवल्य नेपालभाषाया छू ब्रोडसिट पत्रिका पिकायेगु खँ जुगु खःसां नं उगु ज्या पूर्वके मफुगुलिइ दुःख नं प्वकादिल ।

उकथं हे दबूया वरिष्ठ उपाध्यक्ष सुनिल महर्जनं सुरेश किरण नेपालभाषाया मेम्ह धर्मादित्य धर्माचार्य जुगु खँ धयादिल । नेपालभाषा निति निरन्तर तःदै तक पत्रकारिता यायेगु धइगु चीधंगु खँ मखु धासें वयकलं मद्रुम सुरेश किरणं गुगु त्याग यानादिल उकियात सदां लुमकातयेमाःगु खँ धयादिल ।

उकथं हे ज्याइवल्य न्ववायेगु इवल्य एकेदेमीया भ्वाइस चान्सलर राजकर्णिकार मद्रुम मानन्धरं पत्रिकापाखे समाज हिलेत तःधंगु योगदान याःगु खँ धयादिल । वयकलं समाजय विद्यमान कुरीति, बेधिति व विसंगति विरुद्ध मानन्धरया च्वसा न्ह्याकादीगु खँ लुमकूसें समाज रुपान्तरणय वयकःया भूमिका दुगु खँ धयादिल ।

ज्याइवल्य न्ववायेगु इवल्य फोनिजया अध्यक्ष लक्की चौधरी मानन्धरया रचना व सिर्जनाय सामाजिक रुपान्तरण चेत खनेदुगु धासें मद्रुम मानन्धरया रचना व सिर्जनां च्वसांपाखे समाज रुपान्तरण अभियानय योगदान दुगु खँ धयादिल । लिसे चौधरी मद्रुम मानन्धरया सिर्जना व कृतिं अमर दयेकूगु धासें वयकः मदयाः देय् व समाजयात तःधंगु क्षति जुगु खँ धयादिल ।

उकथं हे ज्याइवल्य न्ववायेगु इवल्य भिक्षु कोडण्यं मद्रुम सुरेश किरणं बुद्ध धर्मया प्रचार यायेगु ज्याय योगदान याःगु खँ लुमकादिल । वयकलं सुरेश किरणं बौद्ध धर्मया

प्रचार प्रसार जुइमाः धकाः हे पत्रिकाय वालय छन्हु बुद्ध धर्मया च्वसु तयेगु याःगु कारणं आपालं बुद्ध धर्म सम्बन्धी च्वइपिं पत्रकारत जन्मे जुगु खँ न्ह्यथंसें धयादिल, 'सुरेश किरण भाषा, साहित्य, इतिहास, संस्कृतिइ जक लिमकूसें बुद्ध धर्मयात नं प्रचार प्रसार यायेगुलिं योगदान यानादीगु दु । वयकःया कुतलं हे सम्यन चिन्तन धकाः बुद्ध धर्मया च्वसु पिहां वयेगु ज्या न्ह्याःगु खः ।'

नेवाः पत्रकार राष्ट्रिय दबूया अध्यक्ष नृपेन्द्रलाल श्रेष्ठया अध्यक्षताय न्ह्याःगु ज्याइवल्य नेवाः देय् दबूया अध्यक्ष रश्मिला प्रजापति, सहकर्मी उदेन न्हू सायूमि, पुलांमि मन्त्री राजेन्द्रप्रसाद श्रेष्ठ, पिसं मद्रुम सुरेश किरणयात कथाः थःगु धापू तयादीगु खः ।

साहित्यकार प्रतिशरा सायूमि मद्रुम सुरेश किरणया बारे कविता न्यकादीगु खः । उकथं हे ज्याइवल्य कविथित्री रजनी मिलां मद्रुम मानन्धरया कविता ब्वनाः न्यकादीगु खः । स्मृति ग्रन्थय थीथी ११ म्ह च्वमिया च्वसु दुथ्याःगु दु ।

## देय् दबू व पत्रकार दबू नापं न्ह्याइगु



लहना वाःपौ/ नेवाः देय् दबू व नेवाः पत्रकार राष्ट्रिय दबू नापनापं जानाः वनेगु खँय् निगू हे दबूया नेतृत्वया दथुइ सहलह जुगु दु ।

येय् जुगु ज्याभवलय नेवाः देय् दबूया न्हू निर्वाचित नायः रश्मिला प्रजापतिं आःया अवस्थाय नेवाः पत्रकार दबू व नेवाः देय् दबू नापनापं जानाः नेवाःतयगु नितिं ज्या यायेमाःगु खँय् बः बियादिल । नेवाः देय् दबू धइगु अधिकारमुखि संस्था जुगुलिं नेवाः देय् दबूपाखें जुइगु ज्या नेवाः पत्रकारपिसं माःगु कथं प्रचार प्रसारया नितिं ज्या यायेमाःगु खँय् बः बियादिल ।

नेवाः पत्रकार राष्ट्रिय दबूया केन्द्रीय नायः नृपेन्द्रलाल श्रेष्ठ पत्रकारपिं सुयागु नं भातु संगठन

जुइमज्यूगु खँय् बः बियादिल ।

नेवाः देय् दबूया वरिष्ठ न्वकू सत्यनारायण डंगोल, न्वकू उमेश स्थापित, मूख्याञ्जे श्रीकृष्ण महर्जनपिसं देय् दबू व पत्रकार दबूया पासापिनिगु दथुइ न्हापाया स्वापू बांलाःगु खँ न्ह्यथनादिसें आः भन क्वातुका नापं जानाः वनेमाःगु खँय् बः बियादिल ।

पत्रकार दबूया निर्वतमान नायः सुरजवीर वज्राचार्य, वरिष्ठ न्वकू सुनिल महर्जन, मूख्याञ्जे केके मानन्धरपिसं पत्रकार दबू व देय् दबू निगुलिं नेवाः समुदायया नितिं ज्या याइगु संस्था खः धयादिल । दबूया ल्युख्याञ्जे सुनिता महर्जनं थुगु ज्याइवः न्ह्याकूगु खः ।



तान्वःया पासा **कुल्फी/आइसक्रिम** भपिया दिसें ।  
**Himalayan Ice**  
वीको वार १ वक्ल किन्दा रु.१० को वय कुरको २० पिस् पिस्  
५००६ आइसक्रिम १० पिस् किन्दा रु. ५ को १०० पिस् कुरको पि  
मिस्की वार १ वक्ल किन्दा रु. ५ को १०० पिस् कुरको पि  
५० कुरको १०० पिस् किन्दा रु. ५ को १०० पिस् कुरको पि  
१० कुरको कुरको २०० पिस् किन्दा रु. ५ को १०० पिस् कुरको पि  
**५०% डिपोजिटमा फ्रिज उपलब्ध छ ।**  
सुवीकालिक नगरपालिका, वडा नं. १, मिस्टर भन्सार, खुप  
९८९९८८३५, ९८०८०८३५



## नेवाः राष्ट्रिय म्ये

चमि : दुर्गालाल श्रेष्ठ लय चिनामि : तिर्थ माली

धुन देने धुन सँन्त्यलं भी फुक्कं हे छम्ह जुइ धुन  
भीगु लागाय भी स्वयं हे जः जुया धुन लुइ धुन  
ह्यांगु भुमिइ अष्टमण्डल ह्यांगु चाः दुने थी नगु  
भीगु नेवाः ध्वाँय थ्व हे खः ज्यान भी सकस्यां छगू  
जातितय स्वायत्त राज्य लुइ कपं च्वय भिलिमिलिं  
राष्ट्र भःभः धायक न्त्याके भीगु चःतिं भीगु हिं

## सम्पादकीय



## बास्तविक सुकुम्बासीतयत् व्यवस्थापन याः

अनिश्च व ग्याःचिकु दथुइ सरकारं सुकुम्बासी बस्ती  
खाली यायेगु प्रक्रिया न्त्याकूगु दु। शनिवाः थापाथली  
लगायतया सुकुम्बासी बस्तीइ डोजर चले याःगु खः।  
न्हूगु परिस्थितियात आंकलन याये मफया मस्त बुराबुरि  
अलमलय लाःगु खनेदु। वैशाख ९ गते गृह मन्त्री सुधन  
गुरुडं राजीनामा बीधुंकाः उगु मन्त्रालययागु जिम्मेवारी  
कःघाःम्ह प्रधानमन्त्री वालेन्द्र शाह नं उगु दिं सुरक्षा  
निकायया प्रमुख नापलागु खः।

यँ महानगरपालिकाया प्रमुख जूगु इलय नं बस्ती  
खाली यायेगु कुतः याःगु खः। तर प्रतिवादया कारण  
ताःलाये मफुगु खः। संघीय सरकारं हे यायेगु आँट यायेवं  
थःपिनिगु विरोध ताः लाइमखु धकाः सुकुम्बासीतयसं  
थुयाः हे ग्वहालि यायेमाःगु खंकल। खुसि सिथय बस्ती  
अप्चः जोखिम दु। अथे जूगुलि उमिगु व्यवस्थापन  
यायेमाः। वास्तविक सुकुम्बासीतयगु आर्थिक नापं  
सामाजिक विकास यायेमाःगु अपरिहार्य जुइ। नाप,  
सुकुम्बासीया आवरणय जग्गा अतिक्रमण याइपिं  
गैरसुकुम्बासीतयगु रणनीति असफल यायेमाः।

कमजोर आर्थिक-सामाजिक हैसियत जूपिं व निर्णय  
क्षमता नं कमजोर जूपिनिगु राजनीतिक फाइदाया निंतिं  
छ्यलीगु व उमित भू-स्वामित्व बीगु जीवनस्तर थकायेगु  
धकाः लिपा बेवास्ता यायेगु प्रवृत्तिया अन्त्य यायेमाः।

अथे जूगुलि सुकुम्बासी बस्तीयात स्थानान्तरण  
यायेगु विषय सैद्धान्तिक कथं सकारात्मक खनेदु। तर  
कार्यान्वयन यायेगु ज्या धाःसा विधिसम्मत जुइमाः।  
थुकियात बांलाक बिचाः यायेमाः। हरेक मनूतयगु मर्यादा  
व मानवीय इज्जतयात सम्मान यानाः न्त्याःवनेमाः व  
उकियात बांलाक ध्यान बीमाः। गरिब व सुकुम्बासी  
जुइगु अपराध खः धइगु हीनताबोध सिर्जना यायेमज्यू।

संघीय सरकार थुगु संवेदनशीलता महसुस यायेगु  
धाःसा तसकं कमजोर खनेदु। प्रधानमन्त्री शाह नं लिच्वः  
याकन पिकायेगु जक स्वयेगु याः। तर, सुकुम्बासी  
बस्तीया लगत संकलन, प्रमाणीकरण नाप पुनर्वासिया  
विकल्प नापं व्यवस्थापन यायेगु स्थापित विधि खः। अथे  
यायेगु मस्वसे संघीय सरकारं सुरक्षा बल व डोजरयात  
न्त्यःने तयाः सुकुम्बासी बस्तीइ मानसिक बल छ्यलेइगु  
ज्या जुल।

## इतिहासं क्यंगु सत्य : सत्यनारायणबहादुर श्रेष्ठ हे पत्रकार महासंघया संस्थापक अध्यक्ष



समिर बलामी

नेपाःया पत्रकारिताया इतिहास  
केवल मिति, संस्था व नेतृत्वया धलः  
जक मखु, थ्व संघर्ष, सचेतना व  
संगठित कुतःया लिच्वः खः। अथेजुयाः  
इतिहासया मूल्यांकन यायेबलय तथ्य,  
प्रमाण व निरन्तरताया आधारय निष्कर्षय  
थ्येमाः। थ्वहे सन्दर्भ थौया महत्वपूर्ण  
बहस खः -नेपाल पत्रकार महासंघया  
वास्तविक संस्थापक अध्यक्ष सु खः ?  
चूलाःगु ऐतिहासिक प्रमाण, दस्तावेज,  
प्रकाशन लिसे अनुसन्धानया आधारय  
स्पष्ट रूपय धायेफु कि सत्यनारायणबहादुर  
श्रेष्ठ हे नेपाल पत्रकार महासंघया  
संस्थापक अध्यक्ष खः।

नेपाःया पत्रकारिता इतिहासयात  
दुयंक स्वयेगु खःसा थ्व केवल सुचं  
प्रवाहया बाखँ मखु, थ्व संगठित चेतना,  
पेशागत अधिकार व लोकतान्त्रिक  
अभ्यासया संघर्षपूर्ण यात्रा खः। थ्वहे  
यात्राया मूहा वि.सं. २००८ सालमा पिउगु  
खः, गबलय सत्यनारायणबहादुर श्रेष्ठया  
नेतृत्वय नेपाल पत्रकार संघ थापना  
जुल। थौया नेपाल पत्रकार महासंघ उगु  
हे ऐतिहासिक कुतःया विकसित स्वरूप  
खः। वि.सं. २००८ साल नेपाःया  
पत्रकारिताया निंतिं छगू युगान्तकारी मोड  
खः। प्रजातन्त्रया प्रारम्भिक अभ्यासलिसें  
अभिभवाक्ति स्वतन्त्रताया वातावरण  
न्यावनाः पत्रकारतयत संगठित यायेगु  
आवश्यकता महसुस जुल। थ्वहे सन्दर्भय  
सत्यनारायणबहादुर श्रेष्ठ अग्रसरता कयाः  
नेपाल पत्रकार संघ थापना यानादिल।  
समकालीन पत्रपत्रिकाय पिदंगु समाचार,  
विशेष यानाः गोस्वापत्रय पिहां वःगु  
सामग्री संघया अस्तित्व, बैठक व  
गातिविधियात प्रमाणित याःगु दु। थुकिं  
छु क्यनी धाःसा अज्याःगु संस्था केवल  
भ्वंतय दुगु अवधारणा मखु, सक्रिय व  
संगठित अभियान खः।

२००८ साल लिपा २००९  
सालय श्रेष्ठया हे सभापतित्वय संघया  
बैठक च्वंगु खनेदु। वयालिपा वि.सं.  
२०१२ सालय कृष्णप्रसाद भट्टराईया  
नेतृत्वय मेगु कार्यसमिति पुनर्गठन  
याःगु खनेदु तर थ्व न्हूगु संस्था  
थापना जूगु घटना मखु, न्हापाया हे  
संगठनया निरन्तरता खः। संगठनय  
नेतृत्व हिलीगु स्वाभाविक प्रक्रिया  
खः, अथेजुयाः २०१२ सालयात  
संस्थापक क्षणया रूपय व्याख्या यायेगु  
इतिहासयात गलत अर्थ बीगु खः।  
यदि २००८ साल लिपा २०१२ साल  
उकिया विकासक्रम जक खः, न कि  
प्रारम्भ बिन्दु।

अथे हे वि.सं. २०१७ सालपाखे  
संस्था दर्ताया प्रक्रिया पूर्वगु खनेदु तर  
थन नं महत्वपूर्ण खँ छु धाःसा दर्ता जुइगु  
धइगु थापना जूगु मखु। संस्था न्हापा हे  
अस्तित्वय दुगु खः, बैठक च्वनाच्वंगु दु,  
सरकार लिसे खँ ल्हानाच्वंगु दु। वयां

लिपा जक कानुनी मान्यता काःगु खः।  
अथेजुयाः दर्तायात आधार तायेकाः  
संस्थापक निर्धारण यायेगु ऐतिहासिक  
रूपय असंगत जुइ।

वि.सं. २०५३ सालय नेपाल  
पत्रकार संघ हे रूपान्तरण जुयाः नेपाल  
पत्रकार महासंघ जूगु खः। थ्व नं न्हूगु  
संस्था जन्मे जूगु घटना मखु, पुलांगु  
हे संस्थाया संरचनागत विस्तार जक  
खः। नां हिलेवं इतिहास हिलीमखु।  
अथेजुयाः २००८ सालया पुसां हे  
थौया महासंघया सिमा विकसित जूगु  
खः धइगु खँ स्वीकार यायेमाः।

सत्यनारायणबहादुर श्रेष्ठया  
योगदान थ्व सन्दर्भय तसकं महत्वपूर्ण



दु। वयकलं केवल संगठन थापना  
जक याःगु मखु पत्रकारतयत छथाय  
हल, पेशागत हकहितया मुद्दा ल्हवन,  
सरकारलिसे प्रत्यक्ष संवाद यात व  
पत्रकारितायात संस्थागत आधार बिल।  
थौं त्रिभुवन विश्वविद्यालय लगायत थीथी  
विश्वविद्यालय व क्याम्पसय ब्वंकीगु  
पत्रकारिता विषयस २००८ सालय  
नेपाल पत्रकार संघ नीस्वंगु व उकिया  
नेतृत्व श्रेष्ठं याःगु खँ न्ह्यथनातःगु दु।  
थुकिं वयकःया योगदान शैक्षिक रूपय  
नं प्रमाणित जूगु खनेदु तर विडम्बना  
छु धाःसा थुलिमछि स्पष्ट प्रमाण  
दयेक दयेक नं नेपाल पत्रकार महासंघ  
वयकःया योगदानयात अपेक्षित रूपय  
सम्मान यायेफयाच्वंगु म्दु। महासंघया  
आधिकारिक प्रकाशनय वयकःया  
नां त्वःफिकेगु, इतिहासयात पूमवंक  
न्त्यब्वयेगु व संस्थापकया विषयय  
अन्योल कायम यानातयेगु गम्भीर न्ह्यसः  
खः। थ्व केवल छम्ह व्यक्तिया उपेक्षा  
मखु, फुक्कं इतिहास प्रतिया अन्याय खः।  
थ्वहे विषयस नेपाल आदिवासी  
जनजाति पत्रकार महासंघ (फोनिज)  
वंगु भिन्त्यादँ न्ह्यवनिसे निरन्तर  
सः थ्वयेका वयाच्वंगु दु। फोनिजं  
बारम्बार ध्यानाकर्षण याकूगु, ज्ञापनपत्र  
बिउगु, सार्वजनिक बहस ब्वलंकूगुयु  
व ऐतिहासिक प्रमाण न्ह्यब्वःगु दु तर  
महासंघ नेतृत्व थुकियात प्राथमिकता  
बियाः सम्बोधन यानाच्वंगु म्दु। थुकिं  
संस्थागत जिम्मेवारी प्रति न्ह्यसः  
ब्वलनी।

इतिहासया यथार्थ पहिचान  
यायेत इतिहासविद्, आमसञ्चार  
विषयया प्राध्यापक व विज्ञत दुथ्याःगु  
उच्चस्तरीय अध्ययन समिति  
नीस्वनेमाः। अफ् महत्वपूर्ण खँ छु धाःसा  
नेपाल पत्रकार महासंघया लिपांगु राष्ट्रिय  
महाधिवेशनया बन्दसत्रं थज्याःगु समिति  
नीस्वनेत न्हू कार्यसमितियात स्पष्ट

म्याण्डेट बिउगु खः तर वर्तमान नेतृत्व  
दत्या बीधुंकाः नं उगु म्याण्डेट कार्यान्वयन  
याःगु म्दुनि। थ्व केवल लिबाःगु ज्या  
जक मखु, महाधिवेशनया निर्णय अवज्ञा  
याःगु खः।

फोनिजं निरन्तर रूपय ज्ञापनपत्र  
लःल्हायेधुंकाः, ध्यानाकर्षण याकेधुंकाः  
तकं बेवास्ता यायेगु ज्या गम्भीर विषय  
खः। अफ् महासंघं पिथँगु “अग्र  
अनुहार” सफुतिइ सत्यनारायणबहादुर  
श्रेष्ठयात दुमथ्याःतले ब्वलंगु विवादं  
स्थिति भन्नु स्पष्ट याःगु दु। इतिहासयात  
उखेथुखे याःगु धासँ फोनिजं उगु  
सफू विमोचन याके मबिसँ प्रतिलिपि  
नियन्त्रणय कायेगु तकया पलाः ल्हवने

थौं त्रिभुवन विश्वविद्यालय

लगायत थीथी

विश्वविद्यालय व क्याम्पसय

ब्वंकीगु पत्रकारिता विषयस

२००८ सालय नेपाल

पत्रकार संघ नीस्वंगु व

उकिया नेतृत्व श्रेष्ठं याःगु

खँ न्ह्यथनातःगु दु।

माल। थुगु घटना केवल विरोध मखु,  
इतिहास ल्यंकेगु कुतः खः।

आः न्ह्यः ब्वलनी थुलिमछि  
प्रमाण, दस्तावेज, अध्ययन व निरन्तर  
सः थ्वयेकाः नं छाय सत्ययात स्वीकार  
यायेत लिचिला च्वंगु ? यदि २००८  
सालय संघ थापना जूगु खः, यदि  
उकिया नेतृत्व सत्यनारायणबहादुर श्रेष्ठं  
याःगु खः, यदि लिपांगु फुक्कं संरचनात  
उकिया हे निरन्तरता खःसा संस्थापक  
अध्यक्ष वयकः हे खः धइगु निष्कर्षय  
वनेत छाय थाक्याच्वन ?

नेपाल पत्रकार महासंघ थेंज्याःगु  
मंकाः, नागरिक संस्था इतिहासप्रति  
जिम्मेवार जुइमाः। थुकिं गुगु विचार  
व व्यक्तितगत आग्रह पाखें पिहां वनाः  
सत्य, तथ्य व प्रमाणया आधारय निर्णय  
यायेमाः। इतिहासयात त्वपुइगु मखु,  
भिंकेगु साहस क्येनेमाः।

थौया आवश्यकता स्पष्ट दु  
महाधिवेशनया म्याण्डेट कथं तत्काल  
उच्चस्तरीय अध्ययन समिति नीस्वनेमाः,  
दुगु प्रमाणयात कयाः निष्पक्ष अध्ययन  
यायेमाः व सत्यनारायणबहादुर श्रेष्ठयात  
आधिकारिक रूपय संस्थापक अध्यक्ष  
घोषणा यायेमाः। थ्वहे पलाखं जक  
इतिहास प्रति न्याय, संस्था प्रति विश्वास  
व भावी पुस्ता प्रति जिम्मेवारी पूवनी।

सत्ययात स्वीकार यायेत  
लिबायेफु अस्वीकार यायेगु विकल्प मखु।  
नेपाःया पत्रकारिता इतिहासया जग  
तम्हेसित सम्मान यायेगु केवल  
औपचारिकता मखु, थ्व नैतिक दायित्व  
खः। सत्यनारायणबहादुर श्रेष्ठयात  
संस्थापक अध्यक्षया रूपय स्वीकार  
यायेगु धइगु इतिहासयात पाय्छि थासय  
हयेगु खः। थ्वहे पलाखं नेपाल पत्रकार  
महासंघया गरिमा अफ् च्वन्त्याइ।

(चमि नेपाल आदिवासी  
जनजाति पत्रकार महासंघ (फोनिज)या  
मूख्याज्जे जुयादी।)

# प्राकृतिक विपत्ति व बुद्ध शिक्षा



सुनीता मानन्धर

छुं दिं न्ह्यः तराई लागाय धाकुफय् वल । गनं वल ? छु जुयाः वल ? छाया वल ? सुनां नं धायेमफु । ततःग्वःगु लत्था क्वःदल । पौ पुइकल । लट्ठाया तार छ्यालब्याल जुल । न्ह्यानाच्चंगु मोटर गाडी क्वःदल । अभ्र छै तर्कं दुन । सलंसः मनु घाःपाः जुल । गुलिं सित । गुलिं अस्पताल ब्वाकल । छत्थुं वःगु धाकुफसं जीवन अस्तव्यस्त यानाबिल ।

यैय् वि.सं. २०४७ सालय् नं थुकथं धाकुफय् वःगु खः । थुगु इलय् नं मनूत सीगु खः । नेपालय् जक मखु, थुकथंया धाकुफय् भारतय् नं वःगु दु । बंलादेशय् नं छुं दिं न्ह्यः हे फानी नांया धाकुफय् वल । थुकिं यानाः लखौं मनूत शरणार्थी जुइमाल । फानी चत्रवात आँधीं नं जीवन अस्तव्यस्त यानाबिल । अति विकसित देशय् तर्क थुकथं फसं दुःख बियाच्चंगु दु । थुकथं फय् वइगुया अनुमान यायेत यन्त्र ला विकास जुल । तर थौं नं थुकथंया फय् सुनां नं दिक्केफूगु मदुनि ।

थुकिं मुक्त जुइफूगु मदुनि । फय्या प्रलय दैयदसं वइ । सलंसः प्राणीया जीवन ध्वस्त याइ । गबलें नेपालय्, गबलें पाकिस्तानय्, गबलें अफगानिस्तानय् अभ्र गबलें जापानय् । पृथ्वीया न्ह्यागु थासय् नं वइगु । न्ह्यागु इलय् नं वइगु । न्ह्याग्मेसितं अस्तव्यस्त याइगु । थ्व छगू प्रलयकथं दं वयाच्चंगु दु ।

थुकथंया प्रलय प्राचीन कालय् जक मखु, थौंया आधुनिककाल तक नं न्ह्यानाच्चंगु दु । न्हापा न्येनेमदु कथंया फय्या प्रलय थौं वयाच्चंगु दु ।

फय्या प्रलय थुलि जक सीमित मजुइफु । थ्व स्वयां ग्यानापुस्से च्वनेफु । अभ्र, थुकिं संसारयात तर्क ध्वस्त याना बीफु ।

थुकथंया खै आचार्य बुद्धघोषकृत 'विशुद्धिमार्ग' सफुतिइ नं दुध्याकातःगु दु । थुगु सफू भिक्षु सम्यक सम्बोधि प्राणपुत्रपाखें अनुवाद याना बिज्याःगु खः । थुक्रियात सम्पादन कौण्डन्य संधारामपाखें याना बिज्याःगु खः । थुकी न्ह्यथनातःगु फय्या प्रलयया बारे नं छुं खै स्वये ।

पृथ्वी गथे निगुगु सूर्यः लुयावइ, अथे हे कल्पयात विनास यायेत फय् वइ । फसं चा व ल्वहंचात ब्वयेकी । थुकिं चिकूगु फि, चा, ल्वहं पुइकी । अर्नालि कुटागार पाय्ग्वःगु ल्वहं पुइकी । सिमा क्वःदली । पुइकी । ल्वहं



व सिमायात सर्गतय् पुइका यंकी । फसं कुचाकुचा दला वनी । अनं हे नाश जुइ ।

थुकथंया पृथ्वीया क्वनिसें फय् दनावइ । पृथ्वीया प्रदेश नं फय्या वेगं पुइकी । फसं चक्रवाल पर्वत नापनापं सुमेरु पर्वतयात तर्कं पुइकी । थुपिं फुककं सर्गतय् ब्वइ । थुपिं थवथंयव्य ल्वाइ ।

थुकिं यानाः पर्वतनापं चुंचुं दली । थुकथं हे भूमी च्वंगु विमान, सर्गतय् च्वंगु विमान नं विनाश जुइ । फय् थुलि वेगं वइ कि चक्रवाल चक्रवालनाप ल्वाइ । थुकिं यानाः थ्व सकतां चुंचुं जुइ । अनं हे ध्वस्त जुइ ।

पृथ्वीनिसें तृतीय ध्यानतक फय् थ्यनी । अनया स्वंगुलिं देवलोकयात नं ध्वस्त याइ । थुगु फय् वेहम्फल्य् थ्यंका दी । थुकथं दक्व संस्कारया विनाश याइ । क्वय्या आकाशनिसें च्वय्या आकाश तक छयुंसेच्वनी । थुकिं कल्पं कल्पया ई काइ ।

कल्प लिपा शुभकण्हा ब्रह्मलोकय् हाकनं लोक प्रकट जुइ । वेहम्फलां च्यूत जूपिं शुभकण्हा ब्रह्मलोकय् उत्पन्न जुइ । थुकथं ज्याखै असंख्य कल्पतक न्ह्याइ ।

थौं ग्लोबल वार्मिङ्ग जुयाच्चंगु दु । थुकिं यानाः हलिन्यंकया लकसय् ट्यूपाः वयाच्चंगु दु । थुकिं गनं

पृथ्वीनिसें तृतीय ध्यानतक फय् थ्यनी । अनया स्वंगुलिं देवलोकयात नं ध्वस्त याइ । थुगु फय् वेहम्फल्य् थ्यंका दी । थुकथं दक्व संस्कारया विनाश याइ । क्वय्या आकाशनिसें च्वय्या आकाश तक छयुंसेच्वनी ।

अतिबृष्टि जुल । गनं अनाबृष्टि । गनं फसं दुःख, गनं लखं दुःख । थुकथंया प्रलय छाया जुल ? छाया जुइ ? गबलय् जुइ ? धइगु न्ह्यसः सकसियां नुगलय् दु । थुकिं यानाः लोक विनिष्ट जुइ । थ्व खै नं सकसिनं वाः चायेकाच्चंगु दु । गबलय् विनिष्ट जुइ, थ्व सुनां नं यकीनं धायेफूगु मदु । तर थौंया परिस्थितिं लोक नष्टया आभास सकसितं याकेधुंकुगु दु ।

सकसिनं वाःचाः, थौं हलिन्यंक अकुशलं थाय् कायेधुंकल । थन कुशल ज्याखं याइपित अकुशल भाःपी । अकुशलयात अःपुक हे कुशल कथं काइ ।

थन अकुशलयात अकुशल धाये थाकु । कुशलया पं लिइपिं शून्य । थवं थवय् मतभेद दु । द्वन्द्व दु । राग, द्वेष व मोह नं दु । मां अबु प्रति काय् म्हाय्याया द्वेष दु । पासा, थःथिति दथुइ क्रोध दु । मानवता गुण संकटय् लात । मानव धर्मया नामय् कुकर्म यात । थुकिं यानाः हलिन्यंक विनिष्ट ब्वलंगु दु ।

अकुशल मूलया हुनिं लोक विनिष्ट जुइगु खै बौद्ध ग्रन्थ 'विशुद्धिमार्ग'य् न्ह्यथनातःगु दु । जब राग अप्वया वइ । अन अमिं विनिष्ट जुइ । द्वेष अप्वयवं लखं विनिष्ट याइ । मोह अप्वयवं फसं नष्ट याइ । थुकथं राग, द्वेष व मोहया हुनिं संसार ध्वस्त जुइ ।

राग, द्वेष व मोहया हुनिं अनित्य बोध यायेमफु । सकलें थुक्रिया ल्यूल्यू ब्वाँय् जुइ । अनित्य संसारय् नित्यया आशा काइ । तर अनित्य संसारय् नित्यया आशा यायेगु व्यर्थ खः । राग, द्वेष, मोहपाखें तापाक च्वनेगु प्रलयपाखें तापाक च्वनेगु खः । उकिं बौद्ध गाथा धम्मपदय् नं धयातःगु दु ।

रतिया जायति सोको-रातया जायेति भयं

रतिया विष्णुमत्तरस्स-नत्थि साको कुतो भयं

रागं शोक ब्वलंकी । रागं भय ब्वलंकी । रागं मुक्त जुइपित शोक जुइमखु । भय गनं वइ ?

**आयो नून खाउँ स्वस्थ रहौ**

नार्डसतल आयो आयो नून खाउँ स्वस्थ रहौ

आयोनिनाको बालीबाट हुने विद्युत्प्रदः

१. नो डोसि, नो सिंगु, नोको, नोको नोको सिंगु, नोको, नोको सिंगु, नोको, नोको
२. नोको, नोको, नोको, नोको, नोको, नोको, नोको, नोको, नोको, नोको
३. नोको, नोको, नोको, नोको, नोको, नोको, नोको, नोको, नोको, नोको
४. नोको, नोको, नोको, नोको, नोको, नोको, नोको, नोको, नोको, नोको
५. नोको, नोको, नोको, नोको, नोको, नोको, नोको, नोको, नोको, नोको
६. नोको, नोको, नोको, नोको, नोको, नोको, नोको, नोको, नोको, नोको
७. नोको, नोको, नोको, नोको, नोको, नोको, नोको, नोको, नोको, नोको
८. नोको, नोको, नोको, नोको, नोको, नोको, नोको, नोको, नोको, नोको
९. नोको, नोको, नोको, नोको, नोको, नोको, नोको, नोको, नोको, नोको
१०. नोको, नोको, नोको, नोको, नोको, नोको, नोको, नोको, नोको, नोको

सोको, नोको, नोको, नोको, नोको, नोको, नोको, नोको, नोको, नोको

सोको, नोको, नोको, नोको, नोको, नोको, नोको, नोको, नोको, नोको

**राम प्रजापति प्रोप्राइटर**

**हारती मिठाई भण्डार**

(इच्छा शाकाहारी)

कालिमाटी चोक, टंकेस्वर मार्ग, काठमाडौं ।  
फोन नं. : ०१-५३७२९९९, मो. ९८०३९८०६९९

**यहाँ:-विवाह, व्रतबन्ध, पार्टी, पिकनिक, तथा अन्य शुभ कार्यको लागि अर्हद अनुसार मिठाईहरू तयार गरिन्छ ।**





# बुद्ध महापरिनिर्वाण धुंका.....



राजू शाक्य

थुगु संगायनाय  
न्यासःमह भिक्षुपिसं  
वति काल । थुकी  
वर्षी वर्ष तक बुद्धया  
उपस्थापक जुयाः  
सेवा याना बिज्याःमह  
भिक्षु आनन्द नं दुतिने  
खन । बुद्ध परिनिर्वाण  
जुयाबिज्याःगु चाः तक  
ज्ञान लायेगुली चुके  
जुयाचवमह भिक्षु आनन्द  
प्रथम संगायनाय थव  
हे हुनिं वति काये  
मखनिगु जुल । भिक्षु  
आनन्द थुकिया नितिं  
अयोय जुल । संगायना  
वति काइपिं ४९९  
खात । आनन्दयात  
सन्ताप जुल । व्यथित  
मनं बहनी लिबाकक  
शयन यायेत खाताय  
उवतुल ।

महामानव बुद्धया महापरिनिर्वाण कुशीनगरया शालवनय जुल, वैशाख पुन्हि, रात्रीया स्वंगुगु पहरय । वयालिपा शोकाकूल मल्ल राज खलः व देशवासीत म्वःम्वः बुद्धया अन्तिम दर्शन यायेत वल । गुलिसिनं विलाप नं यात । बुद्धया शरीर अमि मथ्यू च्याके मफयाचचन ।

पावाय च्वना बिज्यानाचवमह महाकाश्यप महास्थविरयात छम्ह साधुं बुद्ध महापरिनिर्वाणया खबर न्यंकल । न्हयन्हु दयेधुंकूगु जुयाचचन, बुद्ध महापरिनिर्वाण जुयाबिज्याःगु । महाकाश्यप थः शिष्यापिं लिसे राजगृहपाखे स्वयाः वनाचवंगु इलय लँ दथुइ थ्व दुःखद् खबर न्येमाःगु खः । छम्ह भिक्षु बुद्धया निर्वाणयात कयाः लसता प्वंकल । महामानव बुद्धया अवसानं मन चीमफयाः गुलिं भिक्षुत नुगः मछिंका खवयाचचन । शोकमन भिक्षुतय पुचलय व भिक्षु थथे धयाचचन - “भिक्षुत ! भ्नीत न्ह्याबले थथे याये मज्यू अथे याये मज्यू धकाः गनीम्ह, न्वाइम्ह मन्त । आः ला भन् हे याउँसे च्वन नि ।” थ्व न्यनाः भिक्षु महाकाश्यप अजूचाल कि बुद्ध परिनिर्वाण जुयाबिज्याःगु छुं दिन हे जक जुल विनय पालना मयाइपिं भिक्षुत पिहां वयेधुकल । बुद्ध शासनय याकनं हे विग्रह पिहां वइगु जुल धकाः तायेकाः वसपोल चिन्तित जुया बिज्यात । थथे धाःमह भिक्षु वृद्ध जुइकाः बुद्ध शासनय दुहावःमह वीर्य हीनम्ह लानाचचन ।

महाकाश्यप कुशीनगर थ्यन । बुद्धया पार्थिव शरीर दर्शन यानाः स्वचाः चाःहिला बिज्यात । अर्नालि बुद्धया देह थःथःमहं च्यात । भिक्षु महाकाश्यप थाकुक्क नियम पालना याना च्वनेगुलि हे सन्तोष तायेका बिज्याइम्ह खः । गृहस्थीतय छैँछैँय वनेगुली तापाना च्वनीम्ह खः । शरीर,वचन व मन चञ्चल मयासें ध्यानय लीन जुया च्वनीम्ह वीर्य बल्लाम्ह धुतंगधारी खः । थ्व हे गुण व चरित्रया हुनिं बुद्ध स्वयम् नं महाकाश्यपयात च्वछाया बिज्याइगु खः ।

वृद्ध भिक्षुया खँ न्यनाः ब्याकुल जुया बिज्याःमह भिक्षु महाकाश्यपं बुद्ध देशना याना बिज्याःगु धर्म व विनययात बुद्ध शासन चीरस्थायी यायेगु हेतुं संग्रह यायेमाःगु प्रस्ताव भिक्षु संघ न्ह्यःने तया बिज्यात । व प्रस्ताव संघपाखें अनुमोदन जूसैलि थःगु नेतृत्वय संगायना यायेगु



भाला क्वबिना बिज्यात । थुगु संगायना बुद्ध महापरिनिर्वाणया स्वला लिपा राजगृहया वेभार पर्वतया सप्तपर्णि गुफाय जुल, गुगु न्हयला तक न्ह्यात । थ्व संगायनाया दाता जुजु अजात शत्रु खः ।

थुगु संगायनाय न्यासःमह भिक्षुपिसं वति काल । थुकी वर्षी वर्ष तक बुद्धया उपस्थापक जुयाः सेवा याना बिज्याःमह भिक्षु आनन्द नं दुतिने खन । बुद्ध परिनिर्वाण जुयाबिज्याःगु चाः तक ज्ञान लायेगुली चुके जुयाचवमह भिक्षु आनन्द प्रथम संगायनाय थ्व हे हुनिं वति काये मखनिगु जुल । भिक्षु आनन्द थुकिया नितिं अयोय जुल । संगायना वति काइपिं ४९९ खात । आनन्दयात सन्ताप जुल । व्यथित मनं बहनी लिबाकक शयन यायेत खाताय वतुल । मन चीगु कुतः यानाचचन । व हे इलय थःगु छ्यं फुग्य मलाःगु व तुति नं लासाय मलानाचवंगु वाः चाल । वसपोलयात नं व हे चान्हय ज्ञान लाभ जुल । थुगु तथ्य भिक्षु संघया न्ह्यःने पुष्टि जुल, अले वसपोल संगायनाय सहभागी जुया बिज्यात ।

वसपोल बहु श्रुतम्ह भिक्षु खः । अले थःमहेस्यां न्यना तइगु खँ बालाक लुमका तयेफूम्ह खः । प्रथम संगायनाय धर्मया विषयया खँ फुक्कं कनेगु अहम् जिम्मेवारी नं वसपोलं फया बिज्यात । विनयया खँ भिक्षु उपालियाके न्येनेगु ज्या जुल ।

भिक्षु आनन्दयात उपस्थापक जुइगु प्रस्ताव भिक्षु संघपाखें हे वःबलय आनन्दं तत्काल थुकियात स्वीकार याना बिमज्याः । वसपोलं बुद्धया न्ह्यःने च्यागू शर्त तया बिज्याःगु खः । भिक्षु संघया हे न्ह्यःने शर्त तयेमाःगुया आधार पुष्टि यायेत बुद्धं न्ह्यसः तया बिज्यात । भिक्षु आनन्दया स्पष्टीकरण

न्यनालिं बुद्धं उपस्थापक नियुक्ति याना बिज्याःगु खः ।

भिक्षु आनन्दया च्यागु शर्तत मध्ये छगू शर्त थःगु अनुपस्थितिइ भगवान् शास्तां सुयातं उपदेश/ओवाद बिया बिज्याःगु जूसां वयात हाकनं छक्कः थःत कना बिज्यायेमाः धयागु खः । अथे जूगुलिं बुद्धपाखें देशित गुलिं नं उपदेशत दु, व फुक्क इतिवृत्तान्त भिक्षु आनन्दं स्यू । इपिफुक्कं बालाक हे लुमका नं तया बिज्याःगु दु ।

परिनिर्वाणया अन्तिम इलय भगवान् शास्तां धर्म व विनययात कयाः शंका दुसा न्यं धकाः भिक्षु संघयात धया बिज्यात । शास्तां स्वक्कः तक न्यना बिज्यात, सु छम्ह भिक्षुपाखें छगू हे नं न्ह्यसः मवः ।

अथे हे भिक्षु आनन्दयात नं बुद्धं क्षुद्राणुक्षुद्र (चिचिधंगू)नियमत ‘जिं मदयेधुंकाः हिला यंकूसां ज्यू’ धकाः उजं दयेका बिज्याःगु खः । आनन्द न्यन हे जक । ‘गजाःगु गजाःगु नियमत हिले ज्यूगु खः ले शास्ता ?’ धकाः आनन्दं जिज्ञासा तया बिमज्याः । परिनिर्वाण लिपा थ्व हे खँय भिक्षु आनन्दया आलोचना जुल कि शास्तां न्येनेगु ह्वःताः बिया बिज्याःसां थ्व खँ कुलाः मन्यन ।

बुद्ध परिनिर्वाण धुंकाः धर्म व विनय संग्रह यायेत संगायना यायेमाःगु ऐतिहासिक घटनाया इवलय आदर पूर्वक न्ह्यःथने बहःमह मेम्ह भिक्षु खः चुन्द स्थविर ।

निगण्ठनाथ पुत्र (महावीर)या मृत्यु लिपा वया अनुयायीतय दथुइ कलह ब्वलन । इपिं कुचा दलाः निथ्वः जुल । थ्वजाःगु घटना बुद्ध शासनय नं वयेफु धइगू म्याःचिकु वसपोल सुम्कं च्वने मफुत । भिक्षु आनन्दया थाय वन । निगण्ठनाथ पुतया मृत्यु

बुद्धयात कनेबःहगु समाचार खः धइगु तायेकाः आनन्दं भिक्षुं चुन्दयात थः नापं शास्ताया थाय ब्वनार्यंकल ।

भिक्षु चुन्दं अभिवादन यानालिं शास्ताया न्ह्यःने निगण्ठनाथ पुत्र मदुगु खँ कना बिज्यासें छम्ह उत्तराधिकारी घोषणा यायेत इनाप याना बिज्यात । बुद्धं भिक्षुपिं दथुइ धर्मया विषयसं छुं हे दुविधा व आशंका दु ला ? धकाः न्यना बिज्यात ।

थथे समस्या मदु धइगु लिसः वल । भिक्षुपिं फुक्क परिशुद्ध धर्मय थःत प्रतिष्ठित याना च्वंतले भिक्षु संघय कलह पिमज्वइगु धवाः थुइक कना बिज्यात । थः यःयःथे जुल, धर्मय प्रतिष्ठित जुइ मफुत धाःसा ब्वलंगु विवाद ज्यंकेत उत्तराधिकारीं छुं नं याये फइमखु धकाः शास्तां आज्ञा दयेका बिज्यात । बरु धर्मया फुक्क खँत अर्थ व व्यञ्जनयात नियमानुसार मिले यानाः छथाय संग्रह यायेगु व संगायना यायेगु उपाय कना बिज्यात ।

निगण्ठनाथ पुत्रया अनुयायीतय दथुइ तसकं कलह जुया? वंसेलिं निक्कःगुखुसी नं भिक्षु चुन्द आनन्द नापं बुद्धया दर्शन यायेत बिज्यात । थुगु पालय बुद्धं बोधिपक्षीय धर्मया उपदेश बिया बिज्यात । त्वापु जुइगुया कारण, शान्त यायेगु विधि, नापं छथासं च्वनेबलय मिलय जुयाचनेगु (साराणीय धर्म) कना बिज्यात । विवाद ब्वलंसा सामूहिक निर्णय यायेगु व बहुमत निर्णय यायेगु सुभावा नं वसपोलं बिया बिज्यात । चुन्द भिक्षु सारिपुत्रया किजा खः ।

बुद्धया नश्वर देह भष्म जूसैलि थीथी अस्थि धातु पिहां वल । अस्थि धातु इना कायेगु खँय विवाद ब्वलन । गुम्हेस्यां थःपिनिगु भूमि बुद्ध परिनिर्वाण जुया बिज्यागुलिं थःपिनिगु अधिकार स्थापित जुइ धकाः दावा यातसा गुम्हेस्यां थःपि बुद्धया परिवारजन धाल । अन्ततः बुद्धिमानीम्ह द्रोण ब्राह्मण फुक्क अस्थि धातु ब्वथलाः इनाबिल, समस्याया शान्तिपूर्ण निदान यात । संगायना यानाः बुद्ध देशित धर्म व विनययात सुरक्षित यायेफूगुया कारणं भिक्षु संघय विवाद मवल ।

बुद्ध शासनय हालिमुहालि जुइत स्वःमह भिक्षु देवदत्तया हुनिं बुद्धया हे जीवनकालय हे संघभेद खनेदुगु खः । अले थुगु दुस्साहस याःमह देवदत्तयात जुजु अजात शत्रुया साथ नं दुगु खः ।

२५७० औं बुद्ध जयन्ती श्रद्धापूर्वक हनाः पुण्य संचय याये ।

01-4259713

01-4259029



**Pancha Buddha Jewellers**  
Naghal Tole, Kathmandu  
Customers' Satisfaction is our Motto



Remember Us for Exclusive Gold Jewellerys and Silver Items



@panchabuddhajewellers

हरेक मंगलवाः  
राष्ट्रियताको लागि समर्पित



**मेरो साप्ताहिक**  
मन्त्र\_साप्ताहिक **Mero Saptahik**

मालाः मालाः ब्वनादिसँ ।

## निन्हुयंकं मचा चित्रकार बबज्या न्ह्यात



लहना वाःपौ/ योड पिकासोया ग्वसालय् २७ देय् याःगु बाल चित्रकारतय्गु प्रदर्शनी 'चिल्ड्रेन आर्ट एक्जिबिसन' यल संग्रहालय् बबज्या जूगु दु। वैशाख ११ व १२ गते निन्हुयंकं जूगु बबज्याय् नेपाः नाप क्यानडा, बुल्गेरिया, ब्रुनोड, मोनाको, साउदी अरेबिया, क्यामरून, कोलम्बिया, युएई, स्पेन, एल साल्भाडोर, मेक्सिको, भारत, नेदरल्याण्ड, पेरु, इक्वेडोर, बंगलादेश, श्रीलंका, भूटानपाखे बबति काःगु खः।

उगु बबज्याय् नेपाःपाखे ३४ म्ह बालचित्रकार नापं ८३ म्ह थीथी देय् पाखे बबति काउगुलि ७७ गु चित्र नापं १६० गु चित्र दुथ्यागु दु।

नेपाःपाखे लिन लामा, आशिया देशार, नित्या गोयंका, श्रीति चौधरी, उज्जवल अमात्य, अर्विन तण्डुकार, क्रियान्सराज शाक्य, युर्गेन तामाड, आर्यमन लाखे, रोमल्ड सुदन राई, नेभेन महर्जन, नोराह डंगोल, स्वेब शाक्य, संयम महर्जन, सार्दुल विक्रम महत, आरोग्यराज शाक्य, दिब्यान्सा

महर्जन, दियान शाक्य, पालिजा खड्गी, मिताञ्जली कुँवर, आध्या देशार, आरोग्य भण्डारी, अस्वी थापा, मिथ्योल ताम्राकार, स्टेला तुलाधर, नुसला श्रेष्ठ, आर्यश्री लाखे, काभ्या श्रेष्ठपिन्स बबति काःगु खः।

प्रदर्शनीया उलेज्या वरिष्ठ चित्रकार राधेश्याम मुल्मी चित्र च्वयाः यानादीगु खः। ग्लोबल एक्सन नेपालया संस्थापक नाप निर्देशक बाबुकाजी श्रेष्ठ, कोलम्बियन काउन्सिल अफिसया मिरा श्रेष्ठ, वरिष्ठ मूर्तिकार राकेश अवाले, साहित्यकारिण आरएम डंगोल व सोमनाथ दाहाल, समाजसेवी शाक्य शुरेन, उद्योग वाणिज्य संघ ललितपुरया पूर्व अध्यक्ष अजरमान जोशी नेवाः पत्रकार राष्ट्रिय दबूया अध्यक्ष नृपेन्द्रलाल श्रेष्ठ नं ज्याइवल्य बबति काःगु खः।

उगु बबज्याय् १३ दँया बालचित्रकार आशीर्या देशार च्वयादीगु सफू एड्भेञ्चर विदिन वन माइन्ड नं पितबबज्या जूगु खः।

## डब्लूएनओ व एनआरएनए दथुइ सहकार्य बल्लाकेगु सहमति



लहना वाःपौ/हिलं नेवाः दबू (डब्लूएनओ) या केन्द्रीय पुचःपाखे वरिष्ठ न्वकु समीर महर्जनया नेतृत्वय् व गैर-आवासीय नेपाली संघ (एनआरएनए) या उपाध्यक्ष लिसें टेक्सबरी बरो काउन्सिलया काउन्सिलर रोजिना प्रधान राइ दथुइ शुरुवाः छू मुँज्या जूगु दु।

मुँज्याय् नेपाल व विश्वव्यापी डायस्पोराय् च्वनाचर्चापिं नेवाः समुदायया उत्थान व सशक्तीकरणया नितीं डब्लूएनओ व एनआरएनए दथुइ सहकार्ययात अभ बल्लाकेगु खँय् दुयंक सहलह जुल।

सहलहया इवल्य नेवाः समुदायया समृद्ध सांस्कृतिक सम्पदाया संरक्षण व प्रवर्द्धनयात प्राथमिकता बियातःगु खः। थ्व इवल्य नेपाल भाषा, रञ्जना लिपि व प्रचलित लिपि थुज्वःगु परम्परागत भाषिक सम्पदाया लिसें नखःचखः, कला, वास्तुकला व आदिवासी ज्ञान प्रणालीतय्गु संरक्षण, संवर्द्धन व प्रवर्द्धन यायेगु खँय् मू रूप सहलह जूगु खः। मुँज्याय् नेपालभाषायात डिजिटल माध्यमपाखे विश्वव्यापी दयेकेगु कुतःयात नं प्राथमिकताय् तःगु दु। विशेषयानाः Google Translate थुज्वःगु अन्तर्राष्ट्रिय प्लेटफर्मत नेपालभाषायात

समावेश यायेगु कुतःयात तीव्रता बीमाःगु खँय् बबति काःपिसं वः ब्यूगु खः। थुकिं भाषा पहुँच, छ्यला व अन्तर्राष्ट्रिय मान्यता अप्पयेकेत महत्वपूर्ण भूमिका मिहतीगु विश्वास प्वकूगु खः।

नेवाः समुदाय नेपाःया ऐतिहासिक, सांस्कृतिक व शहरी विकासय् महत्वपूर्ण योगदान ब्यूगु सभ्यतामध्ये छु जूगु खँ न्हयथसें मुँज्याय् थुगु सम्पदाया दीर्घकालीन संरक्षण याये माःगु खँ तःगु खः। लिसें, हिलन्त्यकं चर्चापिं युवा पुस्तायात थःगु सांस्कृतिक हा व म्हसीकालिसे स्वाना तयेत थीथी ज्याइवःत न्ह्याकेगु खँय् नं सहलह जूगु खः। मुँज्यां मंकाः कुतः, सांस्कृतिक कालिबल ज्याइवः, भाषा संरक्षण अभियान व अन्तर्राष्ट्रिय स्तरय् वकालतया ह्वःताः मालेगु निर्णय याःगु खः।

निगुलिं पक्षं नेवाः समुदायया एकता, सांस्कृतिक गौरव व दिगो विकासयात प्रवर्द्धन यायेगु अज्जुं दीर्घकालीन व अर्थपूर्ण साभेदारी ब्वलंकेगु प्रतिबद्धता प्वकूगु खः।

मुँज्याय् डब्लूएनओपाखे वरिष्ठ न्वकु महर्जनलिसें न्वकूपिं सुरेन्द्रभक्त श्रेष्ठ व बिमल श्रेष्ठ, मूख्याञ्जे लालिमा श्रेष्ठ, मूदुजः अञ्जना ताम्राकारया बबति दुगु खः।

## मदनकृष्ण श्रेष्ठयात 'ललितरत्न' उपाधि

लहना वाःपौ/ वरिष्ठ कलाकार ख्यालि जुजु मदनकृष्ण श्रेष्ठया बुदिंया लसताय् यल महानगरपालिका १६ वडा कलाकार समिति 'ललितरत्न' उपाधि देखासें हंगु दु। अक्षय तृतीयाया कुन्हु वयकःया बुदिं हनाज्याइवः यासें हंगु खः। समितिया थुगु हनानापं, समाजसेवी सरिता महर्जन, शाक्य वज्राचार्य समाज, नेपालभाषा मंकाः खलः यल, मुनासः, वाद्य शिरोमणी घराना, ललितपुर सुनचौदी ब्यवसायी संघ, स्यस्यः समाज, ज्योति म्यूजिक, ताम्राकार समाज, यल नेवाः समाज, लकस नेपाल, ललितपुर हस्तकला संघ, श्रीस्टार क्लब, डिलाइट स्कुल, ललितपुर तयारी पोशाक ब्यापार



संघ, मंगल टोल सुधार संघ, भुल्लु टोल सुधार समिति, प्रोजेक्ट बाजा नेपाल, प्लेइड फर चेज्ज, नेवाः पत्रकार राष्ट्रिय दबू यल कचा, नेपाः पासा पुचः गुथि अमेरिका यानाः २१ गू संघसंस्था हनाः नागरिक अभिनन्दन याःगु खः। थुगु ज्याइवल्य कलाकार श्रेष्ठयात धाःबाजा

थानाः जात्रा यानाः यल लायकुलिइ लसकुस याःगु खः। कलाकार समितिया संयोजक सुरजवीर बज्राचार्य व सुजाता शाक्य वज्राचार्य न्ह्याकादीगु थुगु ज्याइवः न्हयः ख्यालि जुजु श्रेष्ठया बुदिंया लसताय् रक्तदान ज्याइवः नं याःगु खः।

## नागबहालय् बुद्ध जयन्ती हीरक समारोह कथं हनीगु

लहना वाःपौ / राणाशासन विरुद्ध संघर्ष लिपा यलया नागबहालय् न्ह्याःगु बुद्ध जयन्ती हनेगु परम्परा थुगुसी ७५ दँ थ्यंगु दु।

थुगु दँय् २५७० बुद्ध जयन्ती हीरक समारोह कथं निर्णय जूकथं वंगु शनिवाः निसें छवाः न्यंक बुद्ध जयन्ती ज्याइवः न्ह्यायेधुंकूगु दु। २००९ सालय् तारेमाम संघं यल्य

२४९६ क्वःगु बुद्ध जयन्ती न्हापांखुसी सार्वजनिक रुपं हंगु खः।

हिरण्यवर्ण महाविहार तारेमाम संघ, नागबहाल हीरक समारोहया कथं छवाःयंक ज्याइवः हनेगु जानकारी वंगु शुरुवाः छू पत्रकार सम्मेलन याना ब्यूगु खः। राणाकालय् सार्वजनिक कथं बुद्ध जयन्ती हनेत प्रतिबन्ध तयातःगु खः।

२००७ सालय् प्रजातन्त्र पुनःस्थापना लिपा नेपालभाषाया न्हापांम्ह पत्रकार तक जुयादीम्ह भाषासेवी व धार्मिक व्यक्तित्व धर्मादित्य धर्माचार्य (जगतमान वैद्य) प्रा. आशाराम शाक्य, बौद्ध उपासक पूर्णबहादुर शाक्य, सुन उपासक व भिक्षु प्रज्ञारश्मिया ग्वाहालिइ नागबहालय् न्हापांखुसी बुद्ध जयन्ती हंगु खः।

## सवनम लामां तामाड समुदायया मुद्दा ल्हवन

लहना वाःपौ/ संयुक्त राष्ट्रसंघया आदिवासी मामिला सम्बन्धी स्थायी मञ्चया २५ क्वःगु सत्रय् नेपाःया आदिवासी मिसातय्गु अवस्था व यँ बोभेनीइ जारी तामाड समुदायया मुद्दायात अन्तर्राष्ट्रियकरण याःगु दु। राष्ट्रिय आदिवासी जनजाति मञ्च (निफ) व फोकस फर इन्डिजिनियस गर्लस (फिग) पाखे उगु मुद्दा ल्हवंगु खः।

उगु सत्रय् फिगया अध्यक्ष सवनम लामां शंखरापुर नगरपालिका स्थित बोभेनीइ तामाड समुदायतय्गु



अधिकार उल्लंघन जूगु घटना न्हयब्वःगु खः। लामां विशेष याना

तामाकोशी जलविद्युत प्रसारण परियोजनाया कारण बोभेनीया आदिवासी समुदायतय्गु जीवन, संस्कृति व स्वास्थ्यय् गम्भीर लिच्वः लाःगु खँ ल्हवंगु खः।

लामां थःगु धापू तयेगु भ्रवल्य परियोजनाया कारण धार्मिक व भौतिक उपचार नापं स्वाःगु पवित्र मुहान नष्ट जूगु, परम्परागत जडीबुटी लोप जुइगु जोखिम अप्वःगु, कृषि जमिन क्षतिग्रस्त जूगु व परिवारतय् क्षतिपूर्ति मबिउसें जमिन गुमे यायेमाःगु खँ ल्हवंगु खः।

## लामां राष्ट्र संघया विज्ञ समितिइ बबति

लहना वाःपौ/ सार्वजनिक प्रशासन सम्बन्धी संयुक्त राष्ट्र संघया विज्ञ समिति (CEPA) या २५ क्वःगु सत्रय् संयुक्त राष्ट्र संघया मुख्यालय जूगु दु। उगु ज्याइवल्य सार्वजनिक संस्थायात बांलाकेगु व सार्वजनिक विश्वास पुनर्निर्माण यायेगु उद्देश्य सुधार यायेमाःगु खँय् हलियकंया शासन विज्ञ, नीति निर्मातापिं नापं नागरिक समाजया प्रतिनिधिपिं छथाय् मुनाः सहलह ब्याकूगु खः।

सार्क पत्रकार मञ्चया अन्तर्राष्ट्रिय अध्यक्ष राजु लामां न्यूयोर्कय् उच्चस्तरीय सत्रय् बबति कायेगु नापं शासन, पारदर्शिता व संस्थागत विकासय् बबति काःगु खः। सेपा सत्र सार्वजनिक प्रशासन प्रणाली सुधार यायेगु, जवाफदेहिता अप्पयेकेगु व बहुपक्षीय सहयोग नाप न्हूगु शासन अभ्यासपाखे दिगो विकास लक्ष्य (SDGs) पाखे प्रगति अभ अप्पयेकेगु खँय् केन्द्रित जुइ।

२५७० औं बुद्ध जयन्ती श्रद्धापूर्वक हनाः पुण्य संचय याये ।



दया नन्द शाक्य, प्रोप्राइटर  
शाक्य ज्यासः पसः  
थाय्मरु, यँ । ९८४१४४९५५५

द्यःया किकिपालिसं थीथी कथंया तिसा ज्वलंत दयेकादीमाःसा वा न्यानादीमाःसा लुमंकादिसं ।

२५७० औं बुद्ध जयन्ती

श्रद्धापूर्वक हनाः पुण्य संचय याये ।



## लुम्बिनी बौद्ध विश्वविद्यालय बौद्ध अध्ययन सङ्घाय

लुम्बिनी बौद्ध विश्वविद्यालय बौद्ध अध्ययन सङ्घाय अन्तर्गत सञ्चालित  
तपसिल बमोजिमका विषयहरूमा भर्ना भै अध्ययन गर्नु हुन अनुरोध गरिन्छ ।

**मंसीरमा भर्ना खोलिने विषयहरू :**

1. Master in Buddhist Studies
2. Master in Applied Buddhism
3. Master in Theravad Buddhism
4. Master in Pali Buddhist Studies
5. Master in Mahayan Buddhism
6. Master in Buddhism and Peace Studies
7. Master in Buddhism and Himalayan Studies
8. Master in Buddhism and Sustainable Development
9. Master in Bhot Buddhist Studies
10. Master in Nalanda Buddhist Tradition

**श्रावणमा भर्ना खोलिने विषयहरू :**

1. Bachelor in Bhot Buddhist Studies
2. Bachelor in Traditional Buddhist Art
3. Bachelor in Buddhism and Mind Training Practice
4. Bachelor in Engaged Buddhism
5. Certificate in Buddhism and Meditation Practice
6. Certificate in Nichiren Dishonin Buddhism



**डा. माणिकरत्न शाक्य**  
डीन, लुम्बिनी बौद्ध विश्वविद्यालय



२५७० औं बुद्ध जयन्ती

श्रद्धापूर्वक हनाः पुण्य संचय याये ।

प्रोप्राइटर मोति शाक्य

९८४१०३३७२३

### स्वर्ण आभूषण

टंकेश्वर, काठमाडौं, फोन : ०१-५१२३०८९



२५७० क्वःगु बुद्ध जयन्ती

श्रद्धापूर्वक हनाः पुण्य संचय याये ।



**डा. महेशमान श्रेष्ठ**  
क्षेत्रपाटी, येँ ।



२५७० औं बुद्ध जयन्ती

श्रद्धापूर्वक हनाः पुण्य संचय याये ।



### माडन नवाः रुज्जाविस स्कूल

### Modern Newa English School

लालदरवार, दरवारमार्ग, काठमाडौं, नेपाल ।

५३४६३५०, ५८५१०७५५१५



२५७० औं बुद्ध जयन्ती

श्रद्धापूर्वक हनाः पुण्य संचय याये ।



### सुवर्णकेशरी चित्रकार

अध्यक्ष

लहना बौद्धिक अपाङ्गता उत्थान समाज



२५७० क्वःगु बुद्ध जयन्ती

श्रद्धापूर्वक हनाः पुण्य संचय याये ।

तेजरत्न शाक्य

प्रोप्राइटर

## तेजमिन ज्वेलरी

वतु, येँ ।

लुं वहःया तिसा ज्वलं दयेकेमाःसा जिमित लुमंकादिसँ ।

२५७० औं बुद्ध जयन्ती

श्रद्धापूर्वक हनाः पुण्य संचय याये ।



City Office:  
Newa: Nuga: Complex, Om Bahal, Kathmandu, Nepal  
Tel: 4268121 | Email: booking@chhaimalesort.com.np  
CHHAIMALE RESORT Pvt. Ltd. Ramche Bhanjyang, Chhaimale-13, KTM  
THE PEAR GARDEN Resort No: 01-6924909, 9851181409  
www.chhaimalesort.com.np | www.facebook.com/chhaimalesort

### खोप लगाऔं, रोगबाट बचाऔं र बचाऔं ।

- सबै बालबालिकालाई तोकिएको समयतालिकाअनुसार खोप लगाऔं।
- नवजात शिशुदेखि किशोर अवस्थासम्म आवश्यक सबै खोप दिऔं।
- गर्भवती महिलाले पनि आवश्यक खोप समयमै लगाऔं।
- खोप लगाउँदा स्वास्थ्यकर्मीको सल्लाह र निर्देशन पालना गरौं।
- खोप कार्ड अद्यावधिक गरी सुरक्षित राखौं।
- नजिकको स्वास्थ्य संस्थामा उपलब्ध निःशुल्क खोप सेवाबारे जानकारी लिऔं।
- समुदायमा खोपप्रति सकारात्मक सोच विकास गरौं।
- खोप सुरक्षित, प्रभावकारी र जीवनरक्षक हन्छ भन्ने जानकारी दिऔं।



नेपाल सरकार

## विज्ञापन बोर्ड